



NEGERI MELAKA

AKTA PERWAKILAN KUASA 1956

PERWAKILAN KUASA DI BAWAH SEKSYEN 9

PADA menjalankan kuasa yang diberikan oleh seksyen 9 Akta Perwakilan Kuasa 1956 [Akta 358], Ketua Menteri Melaka mewakilkan kuasa di bawah seksyen 17 Akta Tatacara Kewangan 1957 [Akta 61] kepada pegawai-pegawai berikut untuk kuasa melupuskan aset yang rosak, usang, tidak ekonomik dibaiki, tidak boleh diservis atau tidak diperlukan lagi kepunyaan Negeri dan diamanahkan kepada Jabatan Negeri dan untuk menghapus kira nilai aset yang hilang kepunyaan Negeri dan diamanahkan kepada Jabatan Negeri tertakluk kepada had dan nilai seperti berikut:

(A) Melupuskan Aset Kerajaan

(i) Pegawai Kewangan Negeri

(a) Nilai asal perolehan aset melebihi lima puluh ribu ringgit (RM50,000.00) hingga tidak lebih daripada dua ratus ribu ringgit (RM200,000.00) bagi tiap-tiap satu barang dan melebihi lima ratus ribu ringgit (RM500,000.00) hingga tidak lebih daripada satu juta ringgit (RM1,000,000.00) bagi nilai agregatnya untuk semua kaedah pelupusan.

(ii) Pegawai Pengawal/Ketua Jabatan

(a) Nilai asal perolehan aset tidak lebih daripada lima puluh ribu ringgit (RM50,000.00) bagi tiap-tiap satu barang dan tidak lebih daripada lima ratus ribu ringgit (RM500,000.00) bagi nilai agregatnya untuk semua kaedah pelupusan.

(B) Menghapus Kira Kehilangan Aset Kerajaan

(i) Pegawai Kewangan Negeri

(a) Nilai asal perolehan aset melebihi lima puluh ribu ringgit (RM50,000.00) hingga tidak lebih daripada dua ratus ribu ringgit (RM200,000.00) bagi tiap-tiap satu barang dan melebihi lima ratus ribu ringgit (RM500,000.00) hingga tidak lebih daripada satu juta ringgit (RM1,000,000.00) bagi nilai agregatnya untuk semua jenis aset termasuk kehilangan akibat kecurian, penipuan atau kecuaiian pegawai awam.

(ii) Pegawai Pengawal/Ketua Jabatan

- (a) Nilai asal perolehan aset tidak lebih daripada lima puluh ribu ringgit (RM50,000.00) bagi tiap-tiap satu barang dan tidak lebih daripada lima ratus ribu ringgit (RM500,000.00) bagi nilai agregatnya untuk semua jenis aset kecuali kehilangan akibat kecurian, penipuan atau kecuaiian pegawai awam.

2. Bagi tujuan perwakilan kuasa ini, aset adalah termasuk aset alih, aset hidup, aset tak ketara dan stok untuk tujuan operasi dan penyelenggaraan yang dibeli, disewa atau dibina dengan wang kerajaan, yang diterima melalui sumbangan atau hadiah, yang diperolehi melalui proses perundangan dan yang dimiliki secara pajakan atau warisan, tetapi tidak termasuk aset tak alih.

3. Semua pelupusan dan hapus kira yang dijalankan oleh pegawai itu hendaklah mengikut tatacara yang dinyatakan dalam Pekeliling Perbendaharaan berhubung dengan Tatacara Pengurusan Aset Alih Kerajaan yang sedang berkuat kuasa dan hendaklah tertakluk kepada apa-apa arahan lain yang dikeluarkan oleh Perbendaharaan Malaysia, Pihak Berkuasa Negeri dan Pegawai Kewangan Negeri dari semasa ke semasa.

4. Penurunan kuasa ini hendaklah disifatkan telah mula berkuat kuasa pada 14 Mei 2018.

Bertarikh 27 Jun 2018
JKPNMPA(S).100-1/4/1 (5)



ADLY BIN ZAHARI
Ketua Menteri Melaka



**PEKELILING
JABATAN KEWANGAN DAN PERBENDAHARAAN NEGERI MELAKA
BIL. 4 TAHUN 2018**

**Semua Pegawai Pengawal/Ketua Jabatan Negeri,
MELAKA**

**PERWAKILAN KUASA PELUPUSAN ASET DAN MENGHAPUS KIRA
KEHILANGAN ASET KERAJAAN NEGERI**

1.0 TUJUAN

Pekeliling ini adalah bertujuan untuk memaklumkan perkara-perkara seperti berikut:-

- 1.1 Perwakilan kuasa Ketua Menteri Melaka kepada Pegawai Kewangan Negeri dan Pegawai Pengawal/Ketua Jabatan bagi pelupusan aset dan menghapus kira kehilangan aset Kerajaan Negeri.

2.0 LATAR BELAKANG

- 2.1 Berdasarkan seksyen 17, Akta Prosedur Kewangan 1957 [Akta 61] kuasa untuk menghapuskan kehilangan, kekurangan wang awam dan nilai stor-stor yang hilang, kekurangan, tidak boleh digunakan, tidak boleh diservis atau usang serta kuasa untuk meninggalkan amaun-amaun hasil, hutang dan bayaran lebih yang tidak boleh didapatkan kembali terletak pada kuasa Ketua Menteri.

- 2.2 Sehubungan dengan itu, merujuk Seksyen 9, Akta Perwakilan Kuasa 1956, Ketua Menteri juga boleh mewakilkan kuasa di bawah Seksyen 17 Akta Tatacara Kewangan 1957 [Akta 61] kepada pegawai-pegawai yang berkenaan untuk kuasa melupuskan aset dan menghapus kira aset milik Kerajaan Negeri yang hilang.

3.0 PERATURAN BARU

- 3.1 Selaras dengan hasrat "*Let Manager's Manage*" dan bagi meningkatkan keberkesanan penyampaian perkhidmatan, YAB Ketua Menteri Melaka telah bersetuju untuk menurunkan kuasa kepada **Pegawai Kewangan Negeri** dan **Pegawai Pengawal/Ketua Jabatan** bagi meluluskan pelupusan dan menghapus kira kehilangan aset milik Kerajaan Negeri berkuat kuasa mulai **14 Mei 2018**. Penurunan kuasa tersebut adalah tertakluk kepada had dan nilai seperti berikut:

3.1.1 Melupuskan Aset Kerajaan

(i) Pegawai Kewangan Negeri

- (a) Nilai asal perolehan aset melebihi lima puluh ribu ringgit (RM50,000.00) hingga tidak lebih daripada dua ratus ribu ringgit (RM200,000.00) bagi tiap-tiap satu barang dan melebihi lima ratus ribu ringgit (RM500,000.00) hingga tidak lebih daripada satu juta ringgit (RM1,000,000.00) bagi nilai agregatnya untuk semua kaedah pelupusan.

(ii) Pegawai Pengawal/Ketua Jabatan

- (a) Nilai asal perolehan aset tidak lebih daripada lima puluh ribu ringgit (RM50,000.00) bagi tiap-tiap satu barang dan tidak lebih daripada lima ratus ribu ringgit (RM500,000.00) bagi nilai agregatnya untuk semua kaedah pelupusan.

3.1.2 Menghapus Kira Kehilangan Aset Kerajaan

(i) Pegawai Kewangan Negeri

- (a) Nilai asal perolehan aset melebihi lima puluh ribu ringgit (RM50,000.00) hingga tidak lebih daripada dua ratus ribu ringgit (RM200,000.00) bagi tiap-tiap satu barang dan melebihi lima ratus ribu ringgit (RM500,000.00) hingga tidak lebih daripada satu juta ringgit (RM1,000,000.00) bagi nilai agregatnya untuk semua jenis aset termasuk kehilangan akibat kecurian, penipuan atau kecuaiannya pegawai awam.

(ii) Pegawai Pengawal/Ketua Jabatan

- (a) Nilai asal perolehan aset tidak lebih daripada lima puluh ribu ringgit (RM50,000.00) bagi tiap-tiap satu barang dan tidak lebih daripada lima ratus ribu ringgit (RM500,000.00) bagi nilai agregatnya untuk semua jenis aset kecuali kehilangan akibat kecurian penipuan atau kecuaiannya pegawai awam.

- 3.2 Bagi tujuan perwakilan kuasa ini, aset adalah termasuk aset alih, aset hidup, aset tak ketara dan stok untuk tujuan operasi dan penyelenggaraan yang dibeli, disewa atau dibina dengan wang kerajaan, yang diterima melalui sumbangan atau hadiah, yang diperolehi melalui proses perundangan dan yang dimiliki secara pajakan atau warisan, tetapi tidak termasuk aset tak alih.
- 3.3 Semua pelupusan dan hapus kira yang dijalankan oleh pegawai itu hendaklah mengikut tatacara yang dinyatakan dalam Pekeliling Perbendaharaan berhubung dengan Tatacara Pengurusan Aset Alih Kerajaan yang sedang berkuat kuasa dan hendaklah tertakluk kepada apa-apa arahan lain yang dikeluarkan oleh Perbendaharaan Malaysia, Pihak Berkuasa Negeri dan Pegawai Kewangan Negeri dari semasa ke semasa.


4.0 TARIKH KUAT KUASA

- 4.1 Pekeliling ini berkuat kuasa mulai 14 Mei 2018 iaitu pada tarikh Surat Penurunan Kuasa YAB Ketua Menteri Melaka seperti diperuntukkan di bawah Seksyen 17 Akta Tatacara Kewangan 1957 [Akta 61] dan Seksyen 9 Akta Perwakilan Kuasa 1956.

Sekian, terima kasih.

**"MELAKA BERWIBAWA"
"PINTAR, HIJAU, BERSIH"
"BERKHIDMAT UNTUK NEGARA"**

Saya yang menurut perintah,


(HANAFI BIN SAKRI)
Pegawai Kewangan Negeri
MELAKA

Tarikh : 29 Jun 2018

Salinan Kepada.:

1. YB Setiausaha Kerajaan Negeri
MELAKA
2. Pengarah
Jabatan Audit Negara Cawangan Negeri Melaka,
MELAKA